

*Mucha, hoben, adulto y maestronan
di scol por registra awe mes*

UNOCA ta presenta Intercambio Teatral 2016

ORANJESTAD – UNOCA, e fondo cultural di Aruba tin como meta pa crea participacion activo di nos comunidad den plataformanan cultural.

Pa inspira y desaroya talento, haciendo arte y cultura accesibel na publico en general, apoyando proyectonan cu ta aporta na desaroyo cultural di nos isla. Un di e plataformanan cultural den cual ta mira e necesidad di inverti ta teatro.

Teatro ta un plataforma cultural unico, ya cu e por reuni diferente plataformanan artistico manera baile, arte visual, musica, herencia cultural, expresion audiovisual y folklore. Especialmente pa mucha y hoben teatro ta un plataforma importante y cu hopi beneficio. E ta desaroya autoestima, e ta siña bo confia den bo talento y habilidadnan. Teatro ta siña nos con pa expresa nos mes mas eficientemente. E ta desaroya nos habilidad pa comunica nos pensamiento y emocionnan na otro, mehorando nos relacionnan. E ta expone nos na diferente culturanan y siña nos empatia y tolerancia. E ta ofrece un plataforma di expresion colectivo unda nos como sociedad por comparti nos frustracionnan, conflictonan, speransanan y bida rond di nos. E ta fomenta colaboracion di ideanan creativo di participantenan y gruponan involvi. En conexcion cu esaki, UNOCA ta patrocina e proyecto di INTERCAMBIO TEATRAL, un iniciativa di Fundacion Cueba y Mascaruba unda ta ofrece diferente workshops di actuacion y teatro den luna di November pa mucha, hoben, adulto, maestra y maestronan y gruponan interesa na Aruba. E proyecto ta conta cu apoyo di Departamento Di Cultura Aruba y participacion di tres profesional internacional, maestro y actor Omar Bilbao y actriznan Lia Querol y Liza Arteaga di Cuba cu ta na Aruba desde fin di October pa cuminsa cu preparacion di e proyecto.

Por registra pa workshops di actuacion pa mucha di 8 pa 12 aña, actuacion pa hoben di 13 pa 16 aña, actuacion pa adulto 17+, poppenkast pa maestro y maestronan of gruponan interesa. tambe tin un workshop di direccion teatral pa profesionalnan cu kier amplia nan capacidad. Registra awe mes via e pagina di Facebook di UNOCA Aruba of Cueba. Tambe por yama 5656903 of 5932204 pa mas informacion.